



22  
(22)

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), a u vezi sa članom 69. stav (2) tačka e), članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine“, broj: 39/14), Preporuke Komisije za javne nabavke u Zapisniku o pregledu i konačnoj ocjeni ponuda, broj: 03/5-45-9811-5/20 od 08.09.2020. godine, Vlada Unsko-sanskog kantona na sjednici održanoj dana 10.09.2020. godine, d o n o s i

### O D L U K U

o poništenju postupka javne nabavke  
„Nabavka telekomunikacijskih usluga – usluge mobilne telefonije“

#### Član 1.

Prihvata se Preporuka Komisije za javne nabavke i poništava se postupak javne nabavke za predmet ugovora „Nabavka telekomunikacijskih usluga - usluge mobilne telefonije“ iz razloga što je prihvatljiva ponuda znatno veća od osiguranih sredstava za predmetnu nabavku u skladu s članom 69. stav (2) tačka e) Zakona o javnim nabavkama („Službeni glasnik Bosne i Hercegovine“, broj: 39/14).

#### Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici [www.vladausk.ba](http://www.vladausk.ba), istovremeno s upućivanjem iste ponuđačima koji su učestvovali u postupku javne nabavke.

#### O b r a z l o ž e n j e

Postupak javne nabavku „Nabavka telekomunikacijskih usluga – usluge mobilne telefonije“ pokrenut je Zaključkom Vlade Unsko-sanskog kantona, broj: 03-017-2011/2020 od 28.07.2020.godine. Javna nabavka je provedena putem otvorenog postupka uz zaključivanje okvirnog sporazuma na period od dvije godine. Procijenjena ukupna vrijednost ugovora, bez PDV-a iznosi 40.00.00 KM. Ured za zajedničke poslove je u ime ugovornog organa Vlade Unsko-sanskog kantona objavio na Portalu javnih nabavki Obavještenje o nabavci, broj: 928-1-2-49-3-10/20 od 13.08.2020. godine i „Službenog glasniku Bosne i Hercegovine“, broj 52/2020 od 21.08.2020. godine.

Po isteku roka za podnošenja ponuda (04.09.2020. godine do 12.00 sati) evidentirano je da su blagovremeno zaprimljene dvije ponude i to:

1. BH Telecom d.d. Sarajevo Direkcija Bihać, broj protokola: 22-45-9811-3/20 od 04.09.2020.godine (10:21)
2. M-TEL a.d. Banja Luka, broj protokola: 22-45-9811-4/20 od 04.09.2020.godine (11:25)

Neblagovremeno pristiglih ponuda do javnog otvaranja u ovom postupku nije bilo.

U postupku ocjene ponuda Komisija je provela postupak provjere kvalifikacije ponuđača te utvrdila da je ponuđač BH Telecom d.d. Sarajevo Direkcija Bihać dostavio sve

dokumente tražene TD. međutim, ponuda navedenog ponuđača u pogledu cijene je znatno veća od osiguranih sredstava za predmetnu nabavku u iznosu od 64.952.00 KM bez PDV-a sa uključenim popustom.

Ponuda ponuđača M:tel a.d. Banja Luka nije urađena u skladu sa zahtjevima ugovornog organa utvrđenim u tenderskoj dokumentaciji te ne ispunjava formalno pravne i tehničke zahtjeve ugovornog organa i ne može biti predmet vrednovanja.

Naime, uvidom u Aneks 3 - Obrazac za cijenu ponude Komisija je konstatovala da ponuđač M:tel Banja Luka u koloni koja je predviđena za upisivanje jedinične cijene mjesečne pretplate po priključku KM, bez PDV za stavke od rednog broj 6. do rednog broja 13. (obrasca za cijenu ponude) je upisan iznos 0,00 KM, te samim tim se nije decido ispoštovao navod iz napomene tj. zahtjev ugovornog organa. U Aneksu 3 - Obrazac za cijenu ponude, pod napomena, tačkom 1. je utvrđeno: „Cijene moraju biti izražene u KM i zaokružene na dvije decimale. Za svaku stavku u ponudi mora se navesti cijena“. Ponuđač je postupio suprotno zahtjevima ugovornog organa na način da za stavke od rednog broj 6. do rednog broja 13. nije odredio cijenu, a što je bio u obavezi. Zakon o javnim nabavkama BiH predviđa da se na ukupnu cijenu iskažu popust ali ne i da se daju usluge po cijenu od 0.00 KM jer se na taj način narušava smisao i cilj javnih nabavki.

Nadalje za predmetnu nabavku je u skladu sa Pravilnikom o uslovima i načinu korištenja e-aukcije („Službeni glasnik Bosne i Hercegovine“, broj: 66/16), tenderskom dokumentacijom bila predviđena e-aukcija. Članom 3. Pravilnika propisano je da se u slučaju prijema jedne prihvatljive ponude e-aukcija ne može zakazati nego se postupak okončava u skladu sa članom 69. Zakona.

Članom 69. stav (2) tačka e) Zakona je utvrđeno da je Ugovorni organ obavezan poništiti postupak javne nabavke u slučaju da cijene svih prihvatljivih ponuda su znatno veće od osiguranih sredstava za predmetnu nabavku.

Kako je cijena prihvatljive ponude iznad procijenjene vrijednosti predmeta nabavke, Komisija je predložila da ugovorni organ poništi postupak javne nabavke.

Na osnovu naprijed navedenog ugovorni organ donosi Odluku kao u dispozitivu.

#### POUKA O PRAVNOM LJIEKU:

Protiv ove Odluke može se izjaviti pismena žalba u roku od 10 (deset) dana od dana prijema iste. Žalba se izjavljuje Uredu za razmatranje žalbi, putem ugovornog organa, u pisanoj formi na način propisan članom 99. Zakona o javnim nabavkama.

Broj: 03-017-2136/2020  
Bihać, 10.09.2020. godine

PREMIJER KANTONA  
mr.sci. Mustafa Ružnić